

Serbski institut Sorbisches Institut

PŘIPOWĚDZENJE

Zetkanje syće młodych akademikarjow-sorabistow

14.-16. junija 2019, Budyšin

Serbski institut přeprošuje druhi raz wědomostny dorost na zetkanje do Budyšina. W srjedźišću zetkanja stejitej interdisciplinarna wuměna kaž tež zwjazowanje slědzerjow mjezsobu, kotřiž so ze Serbami pod regionalnym abo specifisko-tematiskim widom zaběraja resp. tajke dźěło planuja.

Zetkanje je lětsa z dwěmaj dźělomaj planowane:

Dnja 14. junija wotměje so zakónčaca konferenca slědžerskeho projekta "Serbska wěda". Dorostowa slědžerska skupina, kotraž je Drježdžanskej Techniskej uniwersiće přirjadowana a kotraž kooperuje ze Serbskim institutom, budže swoje slědžerske wuslědky kaž tež w tutym zwisku wuwity internetowy portal prezentować. Wobdźělenje je wuraznje witane!

Sćěhowacej dnjej skićitaj wobdźělnicam a wobdźělnikam składnosć, swójske slědženja předstajić a diskutować. Witane su přinoški z wšelakich wědomostnych předmjetow, to rěka z rěčespyta, kulturnych wědomosćow a stawiznow runje tak kaž transdisciplinarnje předewzaća z přirunowacych mjeńšinowych slědženjow abo z wobłuka digital humanities. Štóz chce swój slědženski projekt prezentować (na př. bachelorske, masterske, magisterske resp. doktorske dźěło abo post-doc-projekt), njech prošu bórže nacisk swójeho dźěła (maksimalnje jednu A4-stronu) zhromadnje z krótkim žiwjenjoběhom (inkl. informacije wědomostneho předmjeta, městnosće skutkowanja a tučasneho dźěloweho céžišća) zapoda.

Nimo toho ma zetkanje zaso k tomu přinošować, na zakładze předstajenych slědženjow wo wutworjenju sorabistiskeje syće z wida dorosta přemyslować. Tak hodźało so wo wuměnenjach a perspektiwach interdisciplinarneho zhromadneho dźěła diskutować. Namjety za diskusijne koła su witane!

Zetkanje wotměje so w hornjo- a delnjoserbskej, němskej a jendźelskej rěči.

Kóšty:

Wobdźělenje na kónčnej konferency slědžerskeho projekta "Serbska wěda" je zadarmo. Poplatk za sćěhowacej dnjej wučini na wosobu cyłkownje 10 eurow. Někotre darmotne městna za přenocowanje steja k dispoziciji. Jězbnje wudawki so narunać njemóža.

Kontakt a přizjewjenje:

Zajimcy přizjewja so prošu hač do 31. nalětnika 2019 pola dr. Theresy Jacobsoweje pod theresa.jacobsowa@serbski-institut.de.

Hłowne sydło · Hauptsitz
Dwórnišćowa 6 · Bahnhofstraße 6
D-02625 **Budyšin** · Bautzen
T +49 3591 4972-0
F +49 3591 4972-14
si@serbski-institut.de
www.serbski-institut.de

Wótnožka za dolnoserbske slěženja
Zweigstelle für niedersorbische Forschungen
Droga Augusta Bebela 82
August-Bebel-Straße 82
D-03046 **Chóšebuz** · Cottbus
T +49 355 48576-482
F +49 355 48576-494
cottbus@serbski-institut.de



**Serbski Sorbisches
institut Institut**